

**JAVNA USTANOVA DOM ZDRAVLJA
SA STACIONAROM OLOVO
Branilaca Olova bb**

Na osnovu člana 23. Statuta JU Dom zdravlja sa stacionarom Olovo, člana 66. Zakona o zdravstvenoj zaštiti („Službene novine Federacije BiH“, broj: 46/10 i 75/13), a u vezi sa članom 8. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 34/03) i Odluke Upravnog odbora JU Dom zdravlja sa stacionarom Olovo, broj: UO – 2648-1/22 od 02.08.2022. godine, raspisuje se

**KONKURS
ZA IZBOR I IMENOVANJE DIREKTORA
JU DOM ZDRAVLJA SA STACIONAROM OLOVO**

I

Uslovi za imenovanje direktora

Kandidati za imenovanje na poziciju direktora JU Dom zdravlja sa stacionarom Olovo su dužni uz prijavu, koja sadrži kraću biografiju – CV, adresu i kontakt telefon kao dokaz o ispunjavanju općih i posebnih uslova/uvjeta traženih Konkursom, treba da ispunjava opće i posebne uslove kako slijedi:

a) Opći uslovi

1. Da je državljanin Bosne i Hercegovine (dokaz: uvjerenje o državljanstvu);
2. Da je stariji od 18 godina (dokaz: izvod iz matične knjige rođenih);
3. Potvrda o prebivalištu (dokaz: CIPS-ova potvrda);
4. Da nije otpuštan iz državne službe kao rezultat disciplinske mjere na bilo kojem nivou u BiH, u razdoblju od 3 (tri) godine prije dana objave Konkursa (dokaz: izjava kandidata potpisana i ovjerena od strane nadležnog organa);
5. Da se na njega ne odnosi član IX.1. Ustava BiH (dokaz: izjava kandidata potpisana i ovjerena od strane nadležnog organa);
6. Da se protiv kandidata ne vodi krivični postupak i da nije krivično kažnjavan (dokaz: akt izdat od nadležnog suda ne stariji od 3 mjeseca od dana objave konkursa);
7. Da nije pravosnažno osuđivan za privredni prestup odnosno da mu nije izrečena zaštitna mjera zabrane obavljanja aktivnosti (dokaz: akt izdat od nadležnog suda ne stariji od 3 mjeseca od dana objave konkursa);
8. Da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u instituciji vlasti (dokaz: izjava kandidata potpisana i ovjerena od nadležnog organa).

NAPOMENA: Uvjerenje pod rednim brojem 6. pribavlja se nakon sačinjavanja liste uspješnih kandidata po službenoj dužnosti od strane JU Dom zdravlja sa stacionarom Olovo, a prije izbora – imenovanja.

b) Posebni uslovi

1. Da ima završen medicinski, stomatološki odnosno farmaceutski fakultet ili farmaceutsko-biohemijski fakultet i jednu od specijalizacija iz okvira djelatnosti Doma zdravlja sa stacionarom, ili završen medicinski fakultet sa specijalizacijom iz socijalne medicine, organizacije i ekonomike zdravstva (dokaz: diploma o završenom fakultetu i uvjerenje o položenom specijalističkom ispitu);
2. Da ima najmanje 5 (pet) godina radnog staža u struci (dokaz: potvrda o radnom iskustvu u struci);
3. Da ima znanje o zdravstvenom menadžmentu koje dokazuje certifikatom o obavljenoj edukaciji iz zdravstvenog menadžmenta i to sve tri razine edukacije sukladno propisima o kontinuiranoj profesionalnoj edukaciji iz zdravstvenog menadžmenta odnosno završenoj specijalizaciji iz zdravstvenog menadžmenta a sve u skladu sa federalnim propisima koji uređuju ovu oblast;
4. Plan i program rada i razvoja Ustanove u izbornom mandatu uz obavezan intervju sa kandidatima koji ispunjavaju konkursom propisane uslove/uvjete.

II

Vrijeme na koje se obavlja imenovanje

Imenovanje direktora JU Dom zdravlja sa stacionarom Olovo se vrši na period od 4 (četiri) godine.

III

Rok za podnošenje prijave kandidata

Prijave se dostavljaju lično ili preporučenom pošiljkom, sa naznakom: „**Prijava za izbor i imenovanje direktora JU Dom zdravlja sa stacionarom Olovo – ne otvaraj**“, na adresu: JU Dom zdravlja sa stacionarom Olovo, ulica Branilaca Olova bb.

Konkurs se ima objaviti u „Službenim novinama Federacije BiH“ i dnevnom listu „Oslobođenje“. Konkurs ostaje otvoren 15 (petnaest) dana od dana posljednje objave. Nepotpune i neblagovremene prijave neće se uzimati u razmatranje. Dokazi se prilažu u originalu ili ovjerenim fotokopijama ne starijim od 3 mjeseca od dana objave konkursa.

IV

Način i rok obavještenja kandidata o rezultatima konkursa

Svi prijavljeni kandidati će biti obavješteni o rezultatima konkursa najkasnije u roku od 8 dana od dana donošenja Odluke o imenovanju direktora JU Dom zdravlja sa stacionarom Olovo.

Broj: 2669/22

**UPRAVNI ODBOR JU
DOM ZDRAVLJA SA STACIONAROM OLOVO**

**BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON**

**OPĆINA TRAVNIK
JU OSNOVNA ŠKOLA „VITOVlje“ VITOVlje**

VITOVlje BB, 72 283 TURBE - TEL/FAX 030 539 555 – E-MAIL: osvitolvlje01@hotmail.com

Broj: 88-08/22

Datum: 08.8.2022.godine

Na osnovu člana 3. stav 5. Uredbe o postupku prijema u radni odnos u javnom sektoru u Srednjobosanskom kantonu (Sl. novine SBK-a br:07/19) Upravni odbor Osnovne škole „Vitovlje“ donosi:

O B A V I J E S T

Kojom obaviještavamo sve zainteresovane kandidate da je objavljen konkurs za popunu upražnjenih radnih mjesta u JU Osnovnoj školi „Vitovlje“ za školsku 2022/2023. godinu. Tekst javnog konkursa se nalazi na web stranici Zavoda za zapošljavanje Srednjobosanskog kantona.

**Direktorica škole
Halep Amra**

Broj: 02 / 1 – 222 / 22

Datum: 08.08.2022. godine

Na osnovu odredbi Zakona o privrednim društvima („Službene novine Federacije BiH“, broj: 81/15 i 75/21), člana 11. Zakona o javnim preduzećima u FBiH («Sl. novine FBiH» broj: 8/05, 81/08, 22/09 i 109/12), člana 38. Statuta JKP «Komemorativni centar» d.o.o. Tuzla, direktor Društva dostavlja

SAZIV

za održavanje VIII. vanredne Skupštine društva

I

VIII. vanredna Skupština JKP «Komemorativni centar» d.o.o. Tuzla održat će se dana 26.08.2022. godine u prostorijama društva sa početkom u 10:00 sati

II

Za Skupštinu se predlaže slijedeći

DNEVNI RED

1/ Izbor radnih tijela Skupštine:

- predsjedavajućeg
- zapisničara
- ovjerivača zapisnika,

2/ Razmatranje prijedloga i donošenje Odluke o razrješenju postojećeg privremenog Nadzornog odbora,

3/ Razmatranje prijedloga i donošenje Odluke o imenovanju članova Nadzornog odbora u skladu sa Odlukom Gradskog vijeća Grada Tuzla,

4/ Razmatranje prijedloga i donošenje Odluke o utvrđivanju naknada za rad u organima upravljanja preduzeća u skladu sa članom 2. stav 2. Odluke Gradskog vijeća Grada Tuzla o utvrđivanju naknada za rad u organima javnih preduzeća, javnih komunalnih preduzeća, javnih ustanova, javnih ustanova za predškolski odgoj i obrazovanje i zdravstvenih ustanova čiji je osnivač ili suosnivač Grad Tuzla („Službeni glasnik Grad Tuzla“ broj: 2/22).

III

U slučaju promjene vremena i mjesta održavanja Skupštine, pozvani će biti blagovremeno obavješteni. Zainteresirani vlasnici udjela kojima materijali nisu dostavljeni, mogu podnijeti zahtjev (telefonom, mailom, poštom itd.) da im se dostave materijali za skupštinu društva.

IV

Član ili članovi Društva čiji udjeli čine desetinu osnovnog kapitala imaju pravo predložiti i izvršiti dopunu Dnevnog reda i prijedloga Odluka Skupštine društva najkasnije 8 (osam) dana od dana ovog obavještenja.

V

Punomoćnici su dužni, prilikom učešća u radu Skupštine u ime člana / pravnog lica, predati pismeno ovlaštenje (punomoć) za zastupanje, ovjereno od strane nadležnog organa.

**DIREKTOR DRUŠTVA
Faruk Latifagić, dipl. krim.
S. R.**

Na osnovu člana 6. Zakona o posredovanju u privatnom osiguranju „Službene novine Federacije BiH“, broj 22/05, 8/10 i 30/16) GRAWE OSIGURANJE d.d Sarajevo daje sljedeće:

O B A V J E Š T E N J E

O raskidu Ugovora o zastupanju u poslovima osiguranja, koji je bio zaključen između „GRAWE OSIGURANJE“ d.d. Sarajevo i OD Agencija za posredovanje u osiguranju „AZONA“ Sarajevo, ulica Humska 135 vlasnika Zulkic Narcisa, upisano u Registar društava za zastupanje u osiguranju kod Agencije za nadzor osiguranja FBiH pod brojem PZFL 1143.

GRAWE OSIGURANJE D.D SARAJEVO

**OPĆINSKI SUD U ŽEPČU
Zemljišnoknjižni ured**

Broj: 044-0-DN-22-000 133
Žepče, 02.08.2022.godine

Na osnovu člana 63. i 67. Zakona o zemljišnim knjigama Federacije BiH („Službene novine FBiH“, broj 19/03 i 54/04), Općinski sud u Žepču

**NAJAVLJUJE
USPOSTAVLJANJE ZEMLJIŠNOKNJIŽNOG ULOŠKA**

U zemljišnoknjižnom predmetu broj 044-0-DN-22-000 133 po zahtjevu Ibrić Mimesa sina Zajima iz Željeznog Polja, općina Žepče, u toku je postupak za uspostavljanje zemljišnoknjižnog uloška. Nekretnine za koje se uspostavlja zemljišnoknjižni uložak upisane su u Posjedovni list broj 2401 katastarska općina Željezno Polje, označene kao:

- parcela broj 341/4 naziv „Njivica“ kulture njiva 5.klase površine 359 m2

Prema podacima iz katastra posjednik navedenih nekretnina je Ibrić Mimes sin Zajima iz Željeznog Polja, općina Žepče, sa dijelom 1/1.

Pozivaju se lica koja polažu pravo vlasništva ili neko drugo pravo na tim nekretninama da svoje pravo prijave u roku od 60 dana od dana najave podneskom u dva primjerka i da podnesu dokaze za to, u suprotnom njihovo pravo neće biti uzeto u obzir prilikom uspostave zemljišnoknjižnog uloška.

Lica koja polažu pravo na tim nekretninama mogu navedeni rok na zahtjev produžiti za najmanje slijedećih 90 dana, kako bi im se dala mogućnost da pribave potrebne dokaze.

Ukoliko u produženom roku ne uslijedi prijava, zemljišnoknjižni uložak će se uspostaviti na osnovu do tada pribavljenih dokaza.

**Zemljišnoknjižni referent
Elvir Mehinagić**